

Zambry santuni warga UPSI sempena jelajah Semarak Ramadan

Tanjong Malim, 19 Mac - Menteri Pendidikan Tinggi, Dato' Seri Diraja Dr. Zambry Abdul Kadir menyantuni lebih 700 warga Universiti Pendidikan Sultan Idris (UPSI) di Masjid Al-Mursyidin, Kampus Sultan Azlan Shah, Proton City dekat sini, semalam. Bahagian Komunikasi Korporat UPSI dalam satu kenyataan berkata, ia merupakan program jelajah Semarak Ramadan ke Institusi Pendidikan Tinggi oleh Zambry sama ada melalui majlis berbuka puasa, solat terawih, moreh atau sahur.

"Zambry yang meluangkan masa lebih dua jam bertemu warga UPSI turut menyerahkan juadah moreh kepada pelajar dan jemaah yang hadir. "Beliau turut mengambil peluang bertemu dan beramah mesra dengan jemaah yang hadir termasuk empat pelajar mobiliti antarabangsa dari Uzbekistan dan Hungary serta barisan pelari pecut negara yang kini sedang berkampung menjalani latihan di Kampus Sultan Azlan Shah," kata kenyataan itu, hari ini.

Majlis tersebut turut dihadiri Presiden Geely Talent Development Group (GTDC), Prof. Dr. Lu Dan merangkap Presiden University of Sanya dan Timbalan Presiden Geely Talent Development Group, Prof. Dr. Zoe Che yang juga merupakan Presiden Xinwei Edutech. Hadir sama Pro Canselor, Tan Sri Dato' Alimuddin Mohd Dom, Pengerusi Lembaga Pengarah Universiti, Puan Sri Rohani Abdullah; Pengarah Bahagian Hubungan Industri (BHI) KPT, Dato' Dr. Mohd Sharil Abdullah; Pengarah Bahagian Hal Ehwal Pelajar (PBHEP) KPT, Hirman Awang@Semai serta Pengerusi Lembaga Pengarah UPSI Holding, Datuk Seri Abdul Puhat Mat Nayan.



PENERAJU KEBITARAAN PENDIDIKAN

UPSI Iftar Bersama Pelajar Antarabangsa

Tanjong Malim, 21 Mac- Universiti Pendidikan Sultan Idris telah menganjurkan Iftar Ramadan bersama pelajar antarabangsa di institusi bersejarah ini yang bertempat di Scholar's Suite, UPSI. Program dihadiri oleh Naib Canselor UPSI, Prof Dato' Dr. Md Amin Md Taff bersama barisan Jawatankuasa Pengurusan Universiti (JKPU), dekan-dekan Fakulti dan pengurusan universiti.

Acara ini menerima sambutan yang baik dan memberi peluang kepada pengurusan tertinggi universiti untuk bersama-sama dengan pelajar antarabangsa dari negara China, Indonesia, Hungary, Uzbekistan, Syria, Nigeria dan Bangladesh. Majlis iftar ini dianjurkan oleh Pusat Antarabangsa dan Mobiliti (IMC) bersama-sama dengan Global Buddies UPSI yang bertujuan untuk mengeratkan lagi hubungan dan memupuk kebersamaan di antara pentadbiran universiti bersama pelajar antarabangsa.



Kunjungan Hormat Pengarah Pengurusan Latihan Tentera Darat ke UPSI


Kuala Lumpur, 19 Mac - Hari ini, Kampus Sultan Abdul Jalil Shah (KSAJS) di Universiti Pendidikan Sultan Idris (UPSI) menjadi saksi kepada satu lagi peristiwa bersejarah apabila universiti terbuka ini menerima kunjungan istimewa Pengarah Pengurusan Latihan Markas Pemerintahan Latihan dan Doktrin Tentera Darat, Brigedier Jeneral Datuk Abu Hassan Assha'ari Bin Kamis @ Shaffiee.

Kunjungan ini bertujuan untuk membincangkan persiapan yang berkaitan dengan Istiadat Pentauliah Diraja Pegawai Kadet PALAPES Universiti Awam bagi tahun 2024. Atur cara bermula dengan Datuk Abu Hassan Assha'ari menerima tabik hormat dan pemeriksaan kawalan kuarters. Turut hadir menyambut Panglima adalah Naib Canselor UPSI, Profesor Dato' Dr. Md Amin Md Taff, bersama dengan Naib Canselor (Hal Ehwal Pelajar dan Alumni), Prof. Dr. Norkhalid Salimin, serta Pengarah Pusat Kokurikulum UPSI, Prof. Madya Dr. Mazuki Mohd Yasim.

Majlis Iftar Bersama Atlet Pecut Malaysia di Scholars Suite's UPSI

Tanjong Malim, 22 Mac - Pasukan Kumpulan atlet pecut dan paralimpik negara di bawah pimpinan Mohd Poad Md Kassim dan Hamberi Mahat menghadiri majlis iftar yang dianjurkan di Universiti Pendidikan Sultan Idris (UPSI). Naib Canselor UPSI Prof Dr Datuk Md Amin Md Taff, menyatakan bahawa majlis ini bertujuan menghargai jasa mereka yang berjuang untuk mengharumkan nama Malaysia di persada antarabangsa.

"Kejayaan atlet menyatukan rakyat berbilang bangsa dan meningkatkan kesedaran dunia terhadap Malaysia. Namun, perlu diingat bahawa pengorbanan mereka perlu dibalas dengan penghargaan dan sokongan yang berterusan" katanya.



Kunjungan Hormat YB Timbalan Menteri Pendidikan ke UPSI

Tanjong Malim, 22 Mac - Kunjungan Timbalan Menteri Pendidikan ke UPSI.



Lawatan Geely Holding Group ke UPSI

Tanjong Malim, 19 Mac - Naib Canselor UPSI YBhg. Prof. Dato' Dr. Md Amin hari ini mengetuai sesi perbincangan kerjasama serta melakukan tinjauan kemudahan yang diperlukan bersama Kumpulan Pembangunan Bakat Geely sekitar kampus di mana kerjasama ini bakal memberi impak besar kepada perkongsian kepakaran pendidikan, aktiviti penyelidikan, pembangunan dan inovasi dalam teknologi yang akan memberikan banyak menafaat antara kedua-dua belah pihak.